

TRES JOVEN ARUBANO LO REMA BAY COLOMBIA



ORANJESTAD (AAN) - Ta falta solamente un dia pa tres joven atleta Arubano rema den nan kayak bay Colombia, cu destino Puerta Estrella.

Mayan anochi pa 8'or Igmarr Benschoep, Garrick Oduber y Kenneth Croes lo sali den nan kayak for di Eagle Beach rumbo Puerta Estrella, Colombia.

Meta di e viahe peligroso y dificil aki lo ta pa concientiza nos hendenan riba e baloman di naturaleza.

Segun e atletanan aki ainda nos por ripara cu tin hopi hende cu ainda no ta realiza cu nos mester cuida, proteha y aprecia nos naturaleza cu ta un herencia natural.

E tres hobennan aki ta fisi-

camente y mentalmente bon prepara.

Pa tres aña caba nan ta practicando y planificando e travesia aki.

Hopi sacrificio a ser haci, hasta durante e dianan di fiesta tras di lomba e preparacionnan a continua.

Y awor e ora cero a yega, e ora di berdad.

Igmarr Felipe Alexander Benschoep a nace na Aruba dia 2 di maart y ta bibando na Tanki Leendert 145.

Despues di su enseñanza basico Igmarr a biba tres aña na Hulanda na unda e a destaca den atletismo.

Actualmente e ta bishitando Colegio Arubano y e ta un ferviente amante di buseo cu tin tur su certificadonan di

tober y ta un amante di natu-Padi.

Garrick Oduber tambe a nace na Aruba dia 23 di ok-tubre y deporte.

Specialmente den e ramo di baseball Garrick tabata hopi activo y ganador di diferente distincion den e ramo aki.

Na 1988 e a ser nombra M.V.P. di e 6th World Tournament na Japon.

Na 1989 Garrick a bira champion homerunner di Lotto League.

E titulo aki e a ripiti den aña 90 y 91 den tanto Lotto League como North League.

Apesar di su edad joven ya e a representa Aruba na Corsow, Venezuela, Fort Lauderdale y Baltimore.

Ademas Garrick ta activo den martial arts, weight training, coremento y landamento y snorkling.

Kenneth Croes tambe lo realiza e viahe aki y manera nos tur sa caba Kenneth ta esun cu ta mas experiencia den tipo di eventonan aki.

Nos por corda cu Kenneth a cruza den menos di 24 ora e laman entre Aruba y Venezuela landando pa despues regresa Aruba den su kayak. Kenneth sigur sigur lo ta un tremendo soporte pa e otros dos atletanan.

Hunto cu e tres atletanan lo sali un flota di yate como aporte.

Capitan lo ta sr. Rafael Kelly mientras cu sr. Rudy Benschoep lo fungi como capitan di e supporting team.

Ademas lo tin abordo 4

ayudante y miembronan di prensa cu ta interesa.

Si tur cos sigui manera planea e travesia aki lo termina den 16 te 18 ora. Si biento cambia un poco e travesia por dura un poco mas.

E kayaknan ta traha di plastic y tin un largura di 14 pia y 2 pia di hanchura.

E outfit lo ta di neoprene y

nan alimento lo consisti di liquido di diferente fruta.

Na nan yegada nan lo fortifica nan mes cu Malta Amstel pa recupera energia.

Un danki di curazon ta bay na tur cu a copera pa haci e travesia aki posibel.

Diario Deportivo ta desea e atletanan Arubano tur clase di exito y cu Dios compana nan durante e ruta.



TELEFONNAN DI DIARIO
26747- FAX 28551